



Protocol

Radunanza cumünala dals 12.09.2024

Presidi: Peer-Puorger Victor
Preschaint: 244 votantas e votants
S-chüsà: Enrico Kienz
Scrutinaduras: Getrud Camastral, Patricia Melcher
e Patrizia Wieser
Protocol: Poo Christian

tractandas	tema	responsabel
1	0110 Legislativa Salüd e tscherna da scrutinadurs	
2	0110 Legislativa Elecziuns cumünalas Elecziun dal capo; 2025-2028	
3	0110 Legislativa Elecziuns cumünalas Elecziun da la suprastanza; 2025-2028	
4	0110 Legislativa Elecziuns cumünalas Elecziun dal cussagl da scoula; 2025-2028	
5	0110 Legislativa Elecziuns cumünalas Elecziun da la cumischiun sindicataria; 2025-2028	
6	0110 Legislativa Varia (radunanza cumünala)	

0110 Legislativa

8 Salüd e tscherna da scrutinadurs

Il capo, Victor Peer driva la radunanza e dà il bivgnaint als 244 preschaints. Il tema principal per quista radunanza fuorman las elecziuns pellas autoritats cumünalas per la perioda d'uffizi 2025 – 2028.

La glista da tractandas vain approvada sco preschantada.

El manzuna, cha quista situaziun saja per el speciala ed unica. Per el es'adüna stat evidaint d'as retrar e dar giò caricas politicas cull'età da pensiun. Uossa es gnü quel mumaint per far piazza e surdar il timun.

Sper l'actuar, il qual ha l'incumbenza da manar il büro electoral per quista radunanza, propuona il capo a la radunanza, da tscherner a las trais impiegadas cumünalas, Gertrud Camastral, Patricia Melcher e Patrizia Wieser sco scrutinaduras. Tenor constituziun ston tuot las elecziuns gnir fattas in scrit. I nu vegnan fattas ingünas cuntrapropostas, la radunanza elegia cun vusch unanima a las surmanzunadas sco scrutinaduras.

Il protocol da l'ultima radunanza cumünala es stat publichà d'urant 30 dis, remarchas nu sun entradas ingünas. In quel sen vala il protocol sco approvà.

0110 Legislativa

9 Elecziuns cumünalas

Elecziun dal capo; 2025-2028

Il capo orientescha davart las demischiuns e candidaturas chi sun entradas d'urant ils ultims mais. Tenor constituziun sun gnüdas inoltradas fin als 30 da gün 2024 las seguintas quatter demischiuns:

<u>Capo cumünal</u>	<u>Suprastanza cumünala</u>	<u>Cussagl da scoula</u>	<u>Cumischiun sindicatoria</u>
Victor Peer	Fadri Riatsch	Daniel Marti	Enrico Kienz

Fin als 20 avuost 2024 sun entradas las seguintas candidaturas / propostas:

<u>Capo cumünal</u>	<u>Suprastanza cumünala</u>	<u>Cussagl da scoula</u>	<u>Cumischiun sindicatoria</u>
Fadri Riatsch	ingünas candidaturas	Roger Janett	Corina à Porta

Implü ha dat part Peder Caviezel ils 30 d'avuost sia candidatura pel presidi cumünal.

Il capo manzuna, cha Fadri Riatsch es daspö il 2015 commember da la suprastanza cumünala, ils ultims quatter ons es el stat vicecapo. Implü fa el part a divers gremis regionals, eir s'ha el ingaschà ils ultims ons ferm per divers progets, gnüts realisats dal cumün illas singulas fracziuns. Tanter oter ha'l presidià la cumischiun per l'ingrandimaint da la chasa da scoula a Strada e la realisaziun da l'Ustaria Tschlin. Eir la revisiun da la planisaziun cumünala es statta üna gronda sfida e pretais dad el, sco president da la cumischiun da planisaziun, bler lavur. El intimescha als preschaints da resguardar quai e da far lur ponderaziuns in connex culla tscherna dal capo.

Our dal ravuogl da la radunanza giavüschan ils seguints votants da pudair tour il pled:

Jachen Kienz

El manzuna, chi'd es allegraivel dad avair la schelta tanter duos candidats pella carica dal capo. Per el sun tuots duos abels per surtour quista sfida. Sper las fermezzas da minchün, daja garanti eir ün o tschel punct debel, quai chi nu dess però avair ün'influenza sülla tscherna.

In quist occasiun manzun'el la gronda lavur prastada ed ils merits da nos capo, Victor Peer. D'urant tuot ils ons sco capo ha el s'ingaschà instancabelmaing pel anteriur cumün da Ramosch ed ils ultims 12 ons pel cumün da Valsot. Per tuot sia lavur ün grond grazcha fich.

Armon Mayer

Davo lunga ponderaziun ha'l decis da na candidar pel post da capo. El manzuna, cha la politica chi'd es gnüda praticada ils ultims ons nu til cuntainta e cha la suprastanza nun haja fat lur dovair sco gremi strategic. Implü critica el ferm, chi saja gnü fat ün proget da frs. 100'000.00 be per realisar ün`ustaria, quai in ün stabilimaint existent. Eir es el da l'avis, cha cun Fadri Riatsch nu detta üna müdada sco ch'el as giavüscha. El mett'eir ferm in dumonda, scha quel es bun dad ir intuorn cun critica. e spera perquai sün ün müdamaint. El as declera pront da candidar pella carica da suprastant, quai però be scha Peder Caviezel dvainta nouv capo.

Domenic Häfner

Eir ad el nu cuntainta la politica gnüda pratichada ils ultims ons e l'agir da la suprastanza. Impustüt han lö las occurrenz cumünalas d'ürant l'eivna, quai chi nu pussibiltescha a la giuventüna da tour part a talas e's partecipar vi dad affars da cumün. El giavüscha cha'ls duos candidats as preschaintan a la radunanza.

Chasper Cadonau

La schelta da duos candidats pel presidi cumünal vezz'el sco punct positiv. El manzuna, cha grazcha a la buna politica gnüda pratichada d'ürant ils ultims ons, as rechatt'il cumün da Valsot in üna buna situaziun. El vess jent da savair dal candidat, Peder Caviezel che chi sun seis böts, i'l cas ch'el gniss tschernü sco nouv capo.

Claudio Andry

El ingrazcha a la suprastanza ed imustüt al capo, Victor Peer per la buna e gronda lavur prastada d'ürant ils ultims ons a bön dal cumün da Valsot.

Peder Caviezel

Il candidat, Peder Caviezel as preschainta a la radunanza e manzuna davart seis böts e sias intenziuns. Politicamaing es el stat 6 ons commember da la suprastanza cumünala, commember da la cumischiun da fabrica e fat activmaing eir politica sül s-chalin regiunal. Implü e'l stat divers ons cumandant da pumpiers. Per el esa fich important da tour incunter giavüschs e pissers da mincha abitanta e minch'abitant e da chattar soluziun chi cuntaintan. Implü as voul el ingaschar pel spazzi da viver e d'abitar per indigens a Valsot.

Fadri Riatsch

l'actual suprastant e vicecapo, Fadri Riatsch ha pudü ramassar d'ürant ils ultims bundant nouv ons bler'esperienza sco suprastant e vicecapo. Eir las colliaziuns vers inoura cun uffizis regiunals e chantunals sun naschüdas d'ürant quist temp. Sper ils progets plü gronds gnüts realisats i'ls ultims ons, es eir per el il spazzi da viver e d'abitar per indigens da grond'importanza ed ün da seis böts principals. El manzuna, ch'el s'ingascha jent pel bön da la societä, perquai sia candidatura pel presidi cumünal.

Anton Famos

Pel avegnir dal cumün bsögna tenor el ün müdamaint. El salüda la candidatura da Peder Caviezel.

Elecziun dal capo

Sco capo cumünal as mettan a disposiziun Fadri Riatsch e Peder Caviezel.

Elet vegn:

total vuschs valabls	majorità absoluta	candidat	vuschs
235	118	Peder Caviezel	118

implü surgni vuschs han:

		Fadri Riatsch	111
		Armon Mayer	4
		singuls	2

Il nouvelet, Peder Caviezel ingrazcha per la tscherna e la fiduzcha.

0110 Legislativa

10 Elecziuns cumünalas

Elecziun da la suprastanza; 2025-2028

Elecziun da la suprastanza cumünala

Tenor constituziun cumünala han commemberas e commembers chi prevezzan da metter a disposiziun lur carica, d'inoltrar lur demischiun in scrit a man da la suprastanza cumünala fin il plü tard ils 30 da gün da l'on

d'elecziuns. Il vicecapo Fadri Riatsch vaiva inoltrà sia candidatura pel presidi cumünal e dat cuntschaint al medem mumaint ch'el nu's metta però plü a disposiziun sco suprastant cumünal.

Ils ulteriurs trais commembers, Ursina Caviezel, Andri Cantieni ed Armon Kirchen as mettan a disposiziun per ün'ulteriura perioda d'uffizi.

Cla Janett fa la proposta per Armon Mayer. Quel es pront d'as candidar.

Elets vegnan:

total vuschs valablas	majorità absoluta	Candidat(-a)	vuschs
710	89	Andri Cantieni conferma	200
		Ursina Caviezel conferma	171
		Armon Kirchen conferma	149
		Armon Mayer nouv	147

implü surgni vuschs han:

		Singuls	43
--	--	---------	----

Ils reelets e'l nouvelet ingrazchan a la radunanza per la tscherna a la fiduzcha.

0110 Legislativa

11 Elecziuns cumünalas

Elecziun dal cussagl da scoula; 2025-2028

Elecziun cussagl dal scoula

Daniel Marti ha inoltrà sia demischiun. Sco nouv commember as metta a disposiziun Roger Janett.

Elets vegnan:

total vuschs	majorità absoluta	candidat	vuschs
662	83	Flurin Nef conferma	182
		Roger Janett nouv	160
		Schorta Pamela conferma	153
		Franziska Denoth conferma	148

implü surgni vuschs han:

		Singuls	19

0110 Legislativa

12 Elecziuns cumünalas

Elecziun da la cumischiun sindicatoria; 2025-2028

Elecziun cumischiun sindicatoria

Enrico Kienz ha inoltrà sia demischiun. Sco nouva commembera as metta a disposiziun Corina à Porta.

Elets vegnan:

total vuschs	majorità absoluta	candidat	vuschs
372	62	Jon Pitschen Janett conferma	135
		Corina à Porta nouv	120
		Angela Lingenhag conferma	112

implü surgni vuschs han:

		Singuls	5
--	--	---------	---

0110 Legislativa

13 Varia (radunanza cumünala)

Da la tractanda nu vegn fat adöver.

Ushè serra il capo a las 23:40 la radunanza ed ingrazcha a tuots pella cumparsa. El giavüscha ün bun arriv a chasa.

7556 Ramosch, 23.12.2024



Il capo:

Il manader administraziun: